



UNIVERSITÄTS-
BIBLIOTHEK
PADERBORN

Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

10. Dies Aprilis. Primum scientiæ vestibulum, scire quod nescias. S.
Fulgent. Mytholog. 1.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

Et pro cœlesti mercede, vel tenuissimi verbi ferre contumeliam recusant. Cave ab his futilibus curis, ne confenescas, & incanescas nugis; quia ut Poëta.

Cura facit canos, quamvis homo non habet annos.

10. DIES APRILIS.

Primum scientiæ vestibulum, scire quod nescias. *S. Fulgent. Mytholog. 1.*

Ignoran-
tia. I.

INter vitia, quæ oppugnant Prudentiâ, claudit agmen; ex quo, velut ex equo Trojano, egreditur malorum agmen, Ignorantia, Quæ in eam, ut in quodam inauspicatum portentum Satyricè invehat cum Satyrico Misoponero. (a) *Apage à me omnes, quos saxificum illud monstrum, Ignorantiam dico, stupefacit, quibus oculi sunt instar taipæ, velo obducti, aures surdi, garrulitate obtusæ, nares lutulenti animalis obese. Scarabæi gustatus assiduo fimo viciatus, & Stupidus torpido frigore tactus ostricorum.* Quàm multi hoc exitiali Ignorantiæ morbo laborant! si quid illa sit, quæras, intelligere, non erit labor. Auctore Platone: (b) *Inscitia est, quando quis falsa opinione decipitur, circa res plurimi faciendas.* Quis, quantumcunque sit ingenii subtilis, ab hoc malo est eximius? si aves augustum subire scientiæ sacrarium, hæc tibi sit prima lectio, in ejus vestibulo scire, te nihil scire. Ignorantia tam est vulgaris, ut non tantùm occurrerit vulgus, & plebeia capita, sed mundi Oracula, & ingenio-
rum

(a) *In Satyr. c. 5.* (b) *Protagon. p. 248.*

Aprilis.

Tessera.

271

rum fastigia. Quis, quæ sunt suprâ lunam, & ultrâ solem, intelligit? Nonne de cœlestibus interrogati, eadem esset nostra, quæ olim Socratis responsio: *Quod suprâ nos, nihil ad nos.*

II. Utinam, quæ vel intrâ, & infrâ, & circâ nos sunt, caperemus, non tot essent mente capti. Inter ea, quibus filii vanitatis turpissimè hallucinantur, non ultimum est, quod omnes omnem per diem operam, per noctem ad lucernam oleum impendant in cognoscendis syderum proprietatibus, planetarum influxibus, orbium cœlestium motibus: se verò cognoscere negligunt. Si intelligeremus corruptionem, ex qua formati, immunditiam, de qua generati, molestias innumeras, cum quibus nascimur, laborem infinitum, quo alimur, dolores incredibiles, cum quibus vivimus: & quod caput est periculum ultimum, momenti ultimi quo moriemur, futurum esset, ut hac cognitione illustrati, mille causas mortis optandæ, ac ne unum quidem reperiremus vitæ prorogandæ. Vertentur filii vanarum scientiarum in multos annos in Academiis, atque ibi Rhetoricam discant, in Philosophia se exercent: Platonem legant, audiant Aristotelem, ediscant Homerum, versent Ciceronem, scrutentur Ptolomæum, occupentur in Xenophonte, auscultent T. Liviū, A. Gellium voluent, Ovidium percalleant: Nunquam illi cum tanto scientiarum omnium apparatu efficiunt, ut non verum sit, quod dixit, & scripsit doctus ille in Christi schola, idiota Thom. à Kempis: (a) *Melior est profectò humilis rusticus, qui Deo servit, quam superbus Philosophus, qui se neglecto, cursum cœli considerat.*

Expen-

(a) l. 1. c. 2.

Expendis cœlorum cursus; & non attendis, quam sis tardus in curriculo ad cœlum.

III. Scitè pronuntiavit Æschines, non minimam, sed maximam esse Philosophiæ partem, scire ad quid homo natus sit. Si penitus inspiceret, quid rei sit homo; plura intrâ sese inveniret, quibus ad modestiam invitaretur, quam quibus ad superbiam incitaretur. Nos hac nostra, qua degimus, ætate, non possumus, quod de præcis multi poterant, quæri. Nam veritas, quæ teste Gellio, (a) est temporis filia, luculentè, & errores omnes à quibus caveamus, & scientias veras, quas amplectamur, demonstravit. Quid reliquum est ad videndum, quod visum non sit? quid restat patefaciendum, quod non patefactum? quid legendum, quod non lectum? quid scribi potest, quod non scriptum? quid denique cognosci, quod non sit cognitum? Nemo igitur potest ignorantiam excusandæ culpæ prætexere: omnes quippè sciunt, omnes legunt, omnes discunt, sed inter omnes, quot sunt, qui ad hoc conferunt scientiam, ut sint meliores, honestiores, benigniores? sed proh dolor! nunc passim homines si quid norint, ad nihil aliud prædest, quam ut callidius lucrum faciant, ut proximo imponant, ut iniquè possessa tueantur, ut pactiones luculentâ conditione faciant, ut novum aliquod fœnus excogitent; ut nequitiis suis pallium obducant. Melior est quævis ignorantia, hæc scientiâ. Iraque, ut sis potius melior, quam doctior; non mundi, sed Christi.

Audi doctrinam, si vis vitare ruinam.

II. DIËS

(a) l. I. c. 2. II.